



**Aningaasaqarnermut Akileraartarnermullu  
Naalakkersuisoq  
/Maani**

Ulloq: 7. november 2023  
J.nr.: 01.25.01/23EM-LABU-

**Pingasungngorermi ulloq 8. november 2023, nal. 16.00, imaluunniit inersuarmi  
ataatsimiinnerup kingorna, Erling Høeghimi Aningaasaqarnermut  
Akileraartarnermullu Ataatsimiititaliamik siunersiueqateqarnissamut aggeqqusissut.**

Inatsisartut suleriaasianni § 19 naapertorlugu siunersiorneqarnissamut Aningaasaqarnermut Akileraartarnermullu Naalakkersuisoq Aningaasaqarnermut Akileraartarnermullu Ataatsimiititaliamit matumuuna aggersarneqarpoq.

**Aningaasaqarnermut Ataatsimiititaliap oqaaseqaatai apeqqutaalut:**

UKA2023/23-mik/24-mik/112-imik ataatsimiititaliap suliarinninneranut malitseqartitsissutit siunersiuinissaq kissaatigineqarpoq. UKA2023/23 aamma UKA2023/112 pillugit ataatsimiititaliaq ulloq 7. november 2023-mi apeqquteqarpoq. UKA2023/112 pillugu ataatsimiititaliap apeqqutai Naalakkersuisunit ulloq 7. november 2023-mi akineqarput. UKA2023/23 pillugu Naalakkersuisut akissutaasa ullumi tiguneqarnissaat ataatsimiititaliamit utaqqineqarpoq. Tamatumma saniatigut immikkoortoq UKA2023/24-mut allannguutissatut siunner-suutiminnut Naalakkersuisut iluarsiissummik saqqummiussippu.

**Apeqqut 1:**

Qulaani pineqartumut imm. UKA 2023/24-mut iluarsiissutip teknikimut tunngasupilussuup Naalakkersuisunit erseqqinnerusumik nassuarneqarnissaa ataatsimiititaliamit kissaatigineqarpoq.

**Apeqqut 2:**

Aammalu immikkoortoq UKA 2023/23-mut aamma UKA 2023/112-imut kisitsisitigut paassisutissat ataatsimiititaliamit ujartorneqartut Naalakkersuisunit erseqqinnerusumik nassuarneqarnissaat ataatsimiititaliamit kissaatigineqarpoq.

Naalakkersuisumik apersuinermini malitseqartitsissutinik apeqquteqarnissani ataatsimiititaliap naatsorsuutigaa.

Ataatsimiititaliap Naalakkersuisumik siunersiuinerata Naalakkersuisup ataatsimiititaliallu akornanni pingaarnersiuilluni tulleriaarinerit anguniakkallu pillugit naalakkersuinermut tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlan-neqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersiuinerata kinguninngua ukununnga nassiuunneqarnissaa qinnutigineqarpoq: [saam@ina.gl](mailto:saam@ina.gl) aamma [jovag@ina.alla.gl](mailto:jovag@ina.alla.gl). Allakkiaq ataatsimiititaliap Naalakkersuisumik siunersiuineranut nassarneqarpat atorneqarpallu taassuma nuutinnersa ataatsimiititaliap Naalakkersuisumik

siunersiuinerata aallartinnerani ataatsimiititaliap oqaluttaanut ataatsimiititaliallu allattaanut tunniuteqquneqarpoq.

Inussiarersumik inuulluaqqusillunga



Asii Chemnitz Narup

Aningaasaqarnermut Akileraartarnermullu Ataatsimiititaliap siulittaasua